

Cider World '19

ESCAPARATE INTERNACIONAL



Cider World '19 cumplió de nueu coles meyores espeutatives, presentando una importante variedá de sidre internaciónal, ya interesantes propuestas, que de xuru darán que falar.

Nun ambiente relaxau ya informal, el públicu d'alrodiu la ciudá de Frankfurt pudieron averase y tastiar sidres de dellos países, talos comu Estonia, Finlandia, Holanda, Luxemburgu, Asturias o Italia, cola merca d'una entrada y una copa xeriografiada col llogu l'eventu. Por supuestu la mayor parte los llagares correspondien a los productores de Hessen, que cunten con abonda cultura sidrera, compartiendo munches similitudes cola nuesa.

Les tasties socediéronse ininterrumpidamente en ca stand dende la mañana a la tardi, nel perguapu entornu del Xardín Botánicu de Frankfurt, el Palmengarten o xardín de les palmeres. Al final del día l'atapecer daba'l so color mariellu anaranxáu pente les palmeres

que daba puxu a los collores de les munches sidres presentaes pa la tastia.

Cabe destacar el sofitu de les industries llocales, non solo los llagareros del ária de Hessen sinon tamién los vendeores de les tradicionales "bembel" o xarres pa sidre, souvenirs y el patrociniu de la marca d'agua de calidá, que na so publicidá amosaba'l vasu sidre tradicional de la zona. Amás d'estans de sidra, tamién hebio dellos sobro llibros con notes de tasties de sidres de tolos países, nes que'l separtáu d'Asturies ocupaba una mui respetable cantidá d'entraes. Unexemplu ye'l manual de sidres de la nuesa collacia Susanna Forbes. La nota discordante yera la poca presencia asturiana ensin representación del "Principado", recayendo la



Muncha calidá ya interesantes novedaes nel Cider World'189

representación asturiana na iniciativa privada y na oficina de turismu d'España en Frankfurt. Dambes representaciones xeneraron enforma confusión al presentar y promocionar la nuesa sidre comu "Sidra española", nun erru de márketing d'estudiu sicolóxicu, que tazez la impórtancia de la nuesa bébora patria comu seña d'identidá asturiana. Esta xeneralización fai comentar que la sidre ye daqué dafechu circunstanciál n'Asturies y ye en realidá daqué "typical Spanish", xuntu cola figurina'l toru y la flamenca.

Tornando al eventu en sí, el públicu quedó bien satis-

fechu cola gran variedá y sobro too pola calidá de los productos presentaos pa tastiari. De los llagareros q más llamaren l'atención del públicu munchos ya tov mos oportunidá de conocer n'Asturies demientres Salón Internacional de les Sidres de Gala: Jaaniha so d'Estonia, Maley d'Aosta, Jorg Geiger d'Alema Hogan's d'Inglaterra y dellos otros, sicasí chemos menos dellos llagares, a los qu'asperamos tornar a los ceo, ya seya nel SISGA o nes vinientes ferias sidres, espardiendo la cultura la sidre comu finxu d'un ente pueblos y cultures.